

371

Na osnovu člana 31. stav 2. Uredbe sa zakonskom snagom o geološkim istraživanjima ("Službeni list RBiH", broj 3/93), ministar energetike, rudarstva i industrije, donosi

PRAVILNIK

O NAČINU VODENJA EVIDENCIJE I KATASTRA ODOBRENIH ISTRAŽNIH PROSTORA

Član 1.

O istražnim prostorima iz člana 28. Uredbe sa zakonskom snagom o geološkim istraživanjima (u daljem tekstu: Uredba), Ministarstvo energetike, rudarstva i industrije dužno je, prema odredbama ovog pravilnika, voditi:

1. Knjigu evidencije o zahtjevima za dobijanje odobrenja za istraživanje na istražnim prostorima (u daljem tekstu: evidencija o istražnim prostorima);
2. Katastar istražnih prostora za koje je izdato odobrenje za istraživanje;
3. Zbirku isprava i
4. Spisak preduzeća koja se bave istraživanjem i eksploatacijom mineralnih sirovina.

I - EVIDENCIJA O ISTRAŽNIM PROSTORIMA

Član 2.

O zahtjevima za dobijanje odobrenja za istraživanje na istražnim prostorima Ministarstvo energetike, rudarstva i industrije vodiće knjigu evidencije prema obrascu 1. (koji je sastavni dio ovoga pravilnika).

Član 3.

U knjigu evidencije o istražnim prostorima unose se svi zahtjevi za dobijanje odobrenja za istraživanje mineralnih sirovina i prostora iz čl. 6. i 8. Uredbe.

Član 4.

Svaki zahtjev za dobijanje odobrenja za istraživanje prije nego se počne rješavati, mora se uvesti u knjigu evidencije o istražnim prostorima.

Preduzeća, organizacije i zajednice koje traže odobrenje za više istražnih prostora treba za svaki istražni prostor da podnesu poseban zahtjev.

Pri uvođenju zahtjeva u knjigu evidencije o istražnim prostorima, u skladu sa stavom 1. ovog člana, unose se odgovarajući podaci iz zahtjeva u kolone 1. do 6.

Član 5.

Istovremeno sa uvođenjem zahtjeva u knjigu evidencije o istražnim prostorima, upisuje se na samom zahtjevu, ispod rednog broja djelovodnika, redni broj iz knjige evidencije pod kojim je u njoj zahtjev zaveden.

Član 6.

Poslije donošenja rješenja o odobrenju ili odbijanja zahtjeva za dobijanje odobrenja za istraživanje, rješenje se prije dostave stranci, uvodi u knjigu evidencije o istražnim prostorima, i to u kolone 7. do 12.

Ako je istražni prostor odobren za istraživanje u kolonama 7. do 10. će se istovremeno naznačiti i pod kojim je brojem, u kojoj knjizi i na kojem listu odobreni istražni prostor upisan u katastru istražnih prostora.

Član 7.

Spisi predmeta, po kojima je donešeno rješenje o davanju odobrenja za istraživanje, čuvaju se posebno i sa njima će se postupati u skladu čl. 16. i 17. ovog pravilnika.

Spisi predmeta po kojima su odbijeni zahtjevi za izdavanje odobrenja za istraživanje odlažu se u arhivu.

Član 8.

Ministarstvo energetike, rudarstva i industrije vodiće uz knjigu evidencije o istražnim prostorima i abecedni registar podnosilaca zahtjeva.

II - KATASTAR ISTRAŽNIH PROSTORA

Član 9.

O prostorima odobrenim za istraživanje mineralnih sirovina Ministarstvo energetike, rudarstva i industrije vodiće katastar istražnih prostora, prema obrascu 2. (koji je sastavni dio ovoga pravilnika).

Katastar istražnih prostora, u pravilu, sadrži 100 listova uvezanih u jedinstvenu knjigu.

Član 10.

Za svaki istražni prostor određuje se u katastru istražnih prostora zaseban list.

Član 11.

Na osnovu odobrenja za istraživanje na istražnom prostoru, prije dostavljanja stranki, popunjavaju se u katastru kolone od 1. do 8.

Član 12.

U rubriku 9. katastra istražnih prostora unose se zabilješke o rješavanju odobrenja za istraživanje putem usmene rasprave (član 35. Uredbe), o promjenama statusa nosioca prava na istraživanje (čl. 40, 41. i 42. Uredbe) i redovni godišnji podaci o izvršenju istražnih radova i postignutih rezultata (čl. 45, 46 i 47. Uredbe).

Član 13.

Po završetku ili trajnom obustavljanju istražnih radova, a na osnovu izvještaja nosioca prava na istraživanje, unose se u rubriku 9. katastra istražnih prostora rezultati istraživanja i preduzete mjere obezbjeđenja (čl. 48. i 51. Uredbe).

Član 14.

Ministarstvo energetike, rudarstva i industrije donijeće rješenje o brisanju istražnog prostora iz katastra istražnih prostora, ako na osnovu rezultata istražnih radova nije bilo uslova za izdavanje odobrenja za eksploataciju mineralnih sirovina.

U katastru istražnih prostora, skladno stavu 1. ovog člana, precrtaće se obadje strane lista konkretnog istražnog prostora crvenom tintom (kemijskom olovkom), a u rubrici 9. naznačiće se da je pravo istraživanja na istražnom prostoru prestalo da važi na osnovu rješenja iz stava 1. ovog člana.

Član 15.

Ako su istražni radovi dali pozitivne rezultate, pa je nosilac prava na istraživanje ili koje drugo rudarsko preduzeće zahtijelo odobrenje za eksploataciju ležišta mineralnih sirovina na odnosnom istražnom prostoru, ovaj zahtjev upisaće se u rubriku 9. katastra istražnih prostora.

U rubriku 9. katastra istražnih prostora upisaće se i promjene o preuzetom istražnom prostoru od drugog preduzeća iz člana 42. Uredbe.

III - ZBIRKA ISPRAVA

Član 16.

Ministarstvo energetike, rudarstva i industrije dužno je o svakom odobrenom istražnom prostoru voditi posebnu zbirku isprava.

U zbirku isprava ulaze sva pismena koja su poslužila kao osnov za upis podataka u katastar istražnih prostora.

Za svaki istražni prostor obrazovaće se poseban dosije u koji će se ulagati sva pismena koja se odnose na istražni prostor.

Na dosijeku se označava broj knjige i lista istražnog prostora na kome je upisan.

Član 17.

Svaki dosije mora da ima popis spisa u koji se unose sva pismena po redu kako su stavljena u dosije, a dosijei se čuvaju u posebnim, za to određenim ormarima.

IV - SPISAK PREDUZEĆA KOJA SE BAVE ISTRAŽIVANJIMA

Član 18.

Ministarstvo energetike, rudarstva i industrije dužno je, uz katastar, voditi i spisak preduzeća koja se bave istraživanjima i eksploatacijom mineralnih sirovina u Republici Bosni i Hercegovini, skladno čl. 7 i 52 Uredbe.

Član 19.

pisak preduzeća iz prethodnog člana vodi se u vidu registra u koji se abecednim redom upisuju sva preduzeća, organizacije i zajednice, kojima su data odobrenja za istraživanje.

V - ZAVRŠNE ODREDBE

Član 20.

Danom stupanja na snagu ovog pravilnika prestaje da važi Pravilnik o vođenju zbirke isprava i katastra istražnih pro-

stora i eksploatacionih polja ("Službeni list SRBiH", broj 24/78).

Član 21.

Ovaj pravilnik stupa na snagu danom objavljivanja u "Službenom listu RBiH".

Broj 01-021-905/93
27. jula 1993. godine
Sarajevo

Ministar energetike,
rudarstva i industrije,
prof. dr Rusmir Mahmutćehajić, s.r.

OBRAZAC 1.
(4206297) strana

Redni broj	Broj djelov.	Naziv preduzeća organizacije ili ustanove	Položaj istr. prostor.		Mineralna sirovina	RJEŠENJE			Odbijeno Dat. broj	Primjedba		
			Lokalnost	Općina		Odobreno Datum	Upis u kat. Broj	Kuj. list				
1	2	3	4	5	6	7	8	9	10	11	12	13

OBRAZAC 2.
(420x297) strana
list broj

1. Preduzeće za istraživanje i njegovo sjedište:

2. Odobrenje za istraživanje izdato pod brojem: od

3. Vrsta sirovina:

4. Lokalnost općine u kojima se istražni prostor nalazi:

5. Granica istražnog prostora:

koordinate prelomnih tačaka:

Tačka: y x z

6. Najmanja količina istražnih radova koja se mora izvesti godišnje:

7. ... u kome se mora otpočeti sa istražnim radovima:

8. ... aženje odobrenja za istraživanje ili eventualno produženje:

9. Zabilješke:

Po izvršenom savnjavanju sa izvornim tekstom utvrđeno je da se u tekstu Uredbe sa zakonskom snagom o putnim ispravama državljana Republike Bosne i Hercegovine ("Službeni list RBiH", broj 4/92), potkrale niže navedene greške, pa se daje

ISPRAVKA

UREDBE SA ZAKONSKOM SNAGOM O PUTNIM
ISPRAVAMA DRŽAVLJANA REPUBLIKE BOSNE I
HERCEGOVINE

U članu 1. u stavu 1. umjesto riječi "odredbom" treba da stoji riječ "uredbom".

U članu 30. u stavu 2. umjesto riječi: "ove uredbe" treba da stoje riječi: "ovog člana", a umjesto riječi "koji" treba da stoji riječ "koja".

U članu 43. u tački 2. umjesto broja "37" treba da stoji broj "38".

Broj 02-011-379/93
21. jula 1993. godine
Sarajevo

Zamjenik generalnog sekretara
Predsjedništva RBiH,
Alija Selimović, s. r.

**Uprava za boračko-invalidsku zaštitu
Bosne i Hercegovine**

Na osnovu člana 49. stav 4. Zakona o osnovnim pravima vojnih invalida i porodica palih boraca ("Službeni list SFRJ", br. 68/81, 41/83, 78/85, 44/89, 87/89, 20/90 i 42/90), koji je preuzet Uredbom sa zakonskom snagom o preuzimanju i primjenjivanju saveznih zakona koji se u Bosni i Hercegovini primjenjuju kao republički zakoni ("Službeni list RBiH", broj 2/92), direktor Uprave za boračko-invalidsku zaštitu Republike Bosne i Hercegovine, izdaje

NAREDBU

**O USKLADIVANJU MJESEČNIH NOVČANIH IZNOSA
LIČNE INVALIDNINE, PORODIČNE INVALIDNINE I
UVEĆANE PORODIČNE INVALIDNINE, DODATKA
ZA NJEGU I POMOĆ OD STRANE DRUGOG LICA I
ORTOPEDSKOG DODATKA**

1. Mjesečni iznosi lične invalidnine, porodične invalidnine i uvećane porodične invalidnine, dodatka za njegu i pomoć od strane drugog lica i ortopedskog dodatka, povećavaju se za 47,56% od 1. aprila 1993. godine, a tako uvećani iznosi povećavaju se za daljih 75,23% počev od 1. maja 1993. godine.

2. Povećanja iz tačke 1. ove naredbe izvršiće se na iznose utvrđene Naredbom o uskladivanju mjesečnih novčanih iznosa lične invalidnine, porodične invalidnine i uvećane porodične invalidnine, dodatka za njegu i pomoć od strane drugog lica i ortopedskog dodatka, počev od 1. marta 1993. godine ("Službeni list RBiH", broj 11/93).

3. Ova naredba stupa na snagu danom objavljivanja u "Službenom listu RBiH", a primjenjivaće se od 1. aprila 1993. godine.

Broj 01-021-35/93
20. jula 1993. godine
Sarajevo

Za direktora
potpredsjednik Vlade RBiH,
mr Hadžo Efendić, s. r.

Na osnovu člana 77. stav 3. Zakona o zaštiti vojnih invalida ("Službeni list SRBiH", broj 35/90), direktor Uprave za boračko-invalidsku zaštitu Republike Bosne i Hercegovine, izdaje